



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77, Հեռ.

N

91/4088

29.11 3031թ.

Աշոտ Հովհաննիսյանին
Հասցե՝ ք. Երևան, Նորագյուղ, 131 տ

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում կայացված թիվ 8180030483 վարչական ակտն անփոփոխ, իսկ վարչական բողոքն առանց բավարարման թողնելու մասին որոշումը:

Առդիր՝ <<3>>թերթ:

**Պետի տեղակալ,
ոստիկանության գնդապետ՝**

Ա. Մաթևոսյան

Կատ. Ն. Քոչարյան
010-30-43-03

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 12.10.2021թ-ին կայացված 8180030483 որոշումն անփոփոխ, իսկ վարչական բողոքն առանց բավարարման թողնելու մասին

<<26>> 11 2021թ.

ք.Երևան

ՀՀ Ոստիկանության Պարեկային ծառայության պետի տեղակալ, ոստիկանության գերապետ Ա. Մաթևոսյան, վերանայելով Աշոտ Հովհաննիսյանի պնդման շնորհիվ ստեղծված առկա խնդիրները:

ՀՀ Ոստիկանության Պարեկային ծառայության պետի տեղակալ, ոստիկանության գերապետ Ա. Մաթևոսյան, վերանայելով Աշոտ Հովհաննիսյանի պնդման շնորհիվ ստեղծված առկա խնդիրները:

Վարորդի նկատմամբ կազմվել է վարչական իրավախախտման վերաբերյալ արձանագրություն և <<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 25-րդ մասի համաձայն կայացվել է որոշում՝ վերջինիս 5.000 ՀՀ դրամի չափով տուգանելու մասին:

Երևան քաղաքի Կենտրոն, Նորագյուղ, 121 տ, բնակիչ Աշոտ Հովհաննիսյանը, դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 12.10.2021թ-ին կայացված թիվ 8180030483 որոշումն այն հիմնավորմամբ, որ իր տրանսպորտային միջոցի կանգառի վայրում առկա է <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների և պայմանների ցանկը հաստատելու մասին>> ՀՀ կառավարության 955-ն որոշման հավելված 1-ի <<հորիզոնական գծանշումներ>> բաժնի համաձայն՝ 1.1 գծանշումը՝ որը չի

արգելում տվյալ վայրում կանգառ կատարելը, իսկ ընդհանուր օգտագործման ճանապարհային ցուցիչից իր տրանսպորտային միջոցը հեռու է եղել:

Պարեկային ծառայության ծառայող, կրտսեր պարեկ Վահե Մուրադյանի կողմից տրված բացատրության համաձայն՝ քաղաքացի Աշոտ Հովհաննիսյանի տրանսպորտային միջոցը կանգառ է կատարել ք. Երևան, Իսակովի պողոտայում Կենտրոնական ավտոկայանին հարակից ընդհանուր օգտագործման տրանսպորտային միջոցների կանգառի կետի տարածքում և իրավախախտման արձանագրման պահին ընդհանուր օգտագործման ճանապարհային ցուցիչից իրավախախտի տրանսպորտային միջոցը հեռու է եղել մոտավորապես 5-10 մետր:

Իրավախախտումը հիմնավորող՝ տեխնիկական միջոցների կիրառմամբ ձեռք բերված այլ ապացույցներ առկա չեն, սակայն իրավախախտումն եղել է անմիջապես իրենց տեսադաշտում, ակնհայտ և պարզ տեսանելի, ինչի կապակցությամբ կազմվել է համապատասխան արձանագրություն և կայացվել թիվ 8180030483 որոշումը:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 12.10.2021թ-ին կայացված 8180030483 որոշումը ենթակա է կատարման հետևյալ պատճառաբանությամբ

<<Հայաստանի Հանրապետության ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ցանկը հաստատելու մասին>> ՀՀ կառավարության 28.06.2007թ-ի թիվ 955-Ն որոշման 84-րդ կետի 7-րդ ենթակետի համաձայն՝ կանգառն արգելվում է 1.17 գծանշմամբ նշված ընդհանուր օգտագործման տրանսպորտային միջոցների կանգառի կետի տարածքում կամ, այդ գծանշման բացակայության դեպքում, ընդհանուր օգտագործման տրանսպորտային միջոցների կանգառի կամ տաքսիների կայանման տեղերի ցուցիչներից 15 մ մոտ:

<<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 25-րդ մասի համաձայն՝ տրանսպորտային միջոցների վարորդների կողմից (բացառությամբ ուղևորների կանոնավոր փոխադրումներ իրականացնող տրանսպորտային միջոցների վարորդների) ընդհանուր օգտագործման տրանսպորտային միջոցների կանգառի կետի տարածքում կանգառ կատարելը կամ կայանելը կամ երթևեկելի մասի եզրին ոչ զուգահեռ կայանելը (բացառությամբ օրենսդրությամբ թույլատրված դեպքերի)՝ առաջացնում են տուգանքի նշանակում՝ սահմանված նվազագույն աշխատավարձի հնգապատիկի չափով:

Այսպիսով, դիմումատուի արարքում առկա են <<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 25-րդ մասի հատկանիշները, ուստի ելնելով վերոգրյալից և ղեկավարվելով <<Վարչական իրավախախտումների վերաբերյալ>> ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 12.10.2021թ. կայացված թիվ 8180030483 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Աշոտ Հովհաննիսյանին և պարեկային ծառայության Երևան քաղաքի գունդ:

Պետի տեղակալ,
ոստիկանության գնդապետ՝



Ա. Մաթևոսյան